



23. Tschanteda da la suprastanza cumünela in marculli, ils , 19.12.2018 a las 19.30 in chesa cumünela S-chanf

Presidi: Gian Fadri Largiadèr

Preschaints: Paolo Bernasconi, Liun Quadri, Roman Parli, Mario Mammoliti

Suppleant: Linard Luzi

Absaints:

Actuar: Gian Luca Vitalini

Tractandas:

- | | | |
|-----|-------|--|
| 1. | | Protocol |
| 2. | 0.212 | Persunel |
| 3. | 0.400 | Surdeda da lavuors FTTH – etappa 2019 |
| 4. | 0.209 | Contrat da servitut cun las OEE parcella nr. 752 |
| 5. | 0.250 | Offertas novas per las sgüraunzas cumünelas |
| 6. | 6.210 | Concept da parker |
| 7. | 6.200 | Preproget senda Pass Chaschauna |
| 8. | 0.110 | Procedura da consulatiziun (ledscha davart il provedimaint d'ova e'l trattamaint da l'ova persa / ledscha davart il posses da chauns illa vschinauncha da S-chanf) |
| 9. | 3.400 | Procedura da consultaziun concept da lö implaunts da sport |
| 10. | 9.999 | Varia |

La glista da tractandas vain approveda sainza objecziuns.

Protocol: Il protocol da la tschanteda dals 05 december 2018 vain approvo unanimamaing.

167 0.212 Persunel

Plazza da giarsunedi 2019 scu commerzianta / commerziant i'l administraziun cumünela (Profil E)

La suprastanza cumünela decida unanimamaing da tscherner a Romina Pavanello scu nouva giarsuna i'l administraziun cumünela a partir dals 01. avuost 2019.

Spaisas dals impiegos e ufficiants cumünels

La suprastanza cumünela piglia cugnuschentscha da las spaisas dals impiegos e'ls ufficiants cumünels.

Prolungaziun dal contrat da lavur da Nadia Heis

La suprastanza cumünela piglia cugnuschentscha da la prolungaziun dal contrat da lavur da Nadia Heis i'l uffizi da fabrica fin la fin da gün 2019.

168 0.400 Progets regiunels Surdada da lavuors FTTH – etappa 2019

Il 1. favrer 2017 ho la radunanza cumünela do liber il credit per la fabrica dal scumpart grob per la rait da fibra da valider. Las lavuors per la realisaziun dal scumpart grob sun gnies piglio sü. In october 2017 haun gieu lö, insembel cun la Repower AG ils prüms discuors per pudair gliver il scumpart grob, la realisaziun pels attachs da chesas, e regler la direcziun da la rait da fibra da valider sur ün post centrel. La firma Innoveritas GmbH es gnida dumandada da rapreschanter las vschinaunchas i'l interess da quellas, regard ils champs speciels scu complettaziun da las lezschas, cha la Repower AG ho e scu sustegn per la Repower AG regard dumandas professiunelas. Cun data dals 21 marz 2018 es gnieu aderieu ün büdschet da temp da 37 dis per las lavuors da realisaziun d'avrigl fin december 2018. Las expensas inferiuras sun trais fin quatter dis da lavur. Quists dis da lavur cuvrishan las lavuors da schner fin ca. mited favrer 2019. Our da quist motiv es l'offerta sur fr. 48'000.00 be pel temp da marz fin december 2019.

Il böt es da glivrer düraunt il temp da marz fin december 2019 seguaintas lavuors:

- Planisaziun e accumpagnaziun da l'etappa 2019 (colliaziun da Chapella fin la centrela passiva a S-chanf).
- Sustegn da gestiun da la Repower AG regard dumandas professiunelas e persunelas.
- Coordinaziun cun mia Engiadina.

La suprastanza cumünela decida unanimamaing da surder la lavur a la firma Innoveritas GmbH sur ün tet da cuosts da fr. 48'000.00 excl. isp.

169 0.209 Contrats e cunvegnas Contrat da servitut cun las OEE parcella nr. 752

Da prümvaira vain la lingia libra da Chapella fin Susauna fabricheda inavous e transferieu i'ls büschens da protecziun da cabels, chi sun gnies realisos. Impü sun las OEE intenziunadas da transferir medemamaing il provedimaint da la forz'electric da l'inchaschamaint d'ova Susauna in büschens da protecziun da cabels suotterrauns. La lingia da furniziun traversa il Vallember sülla parcella nr. 752. Il böt es da confermer il servitut persunel traunter la vschinauncha politica da S-chanf – la vschinauncha burgaisa e las OEE. Tenor contrat da concessiun traunter la vschinauncha e las OEE, ho l'accepterda dal servitut da surpiglier üngüns cuosts.

As basand sün l'art. 47 alinea 2 punct 8 da la constituziun cumünela decida la suprastanza cumünela unanimamaing da suottascriber e confermer il servitut da persunel traunter las OEE – la vschinauncha politica da S-chanf e la vschinauncha burgaisa per la parcella nr 752 a S-chanf.

170 0.250 Sgüraunzas
Offertas novas per las sgüraunzas cumünelas

Il chanzlist ho fat ün'evaluaziun regard ils differents contrats da sgüraunzas. Cun üna garanzia extaisa as pudess stipuler a partir da schner 2019 novs contrats adattos e pü favuraivels. Cun decisun circulera dals 27 november 2018 decida la suprastanza cumünela unanimamaing da desdir ils seguaints contrats da sgüraunza süls 31 december 2018: sgüraunza da respunsabiltad da gestiun, sgüraunza d'ogets e la sgüraunza da veiculs a motor. Medemamaing es gnieu scrit a segunaintas sgüraunzas, per pudair offrir ils contrats manzunos: Basler, AXA e Mobiliar. Il termin finel per pudair offrir d'eira ils 13 decmeber 2018. Entro sun da tuot las sügraunzas manzunadas offertas correspudentas. La basa per pudair offrir d'eira per tuot las sgüraunzas las listessas. Il chanzlist ho fat üna survista da las offertas. L'offerta la pü favuraivla es quella da l'AXA cun fr. 10'319.20. In quist predschi sun inclus tuot las sgüraunzas chi sun gnidas dumandadas.

La suprastanza cumünela decida unanimamaing da surder las novas sgüraunzas a l'AXA per fr. 10'319.20 incl. isp..

171 6.210 Parkegis publics
Concept da parker

La revaisa da la ledscha davart parker veiculs a motor sün terrain public (ledscha da parker) es gnida approvada da la radunanza cumünela ils 15 november 2017.

Basand sün art. 2 e art. 3 da la ledscha davart parker veiculs a motor sün terrain public (Ledscha da parker) dals 15 november 2017, relascha la suprastanza cumünela ils 11 lügl 2018 ün uorden ed ün concept da parker. Zieva ün'examiniziun da la pulizia chantunela ho quella differentas remarchas e ~~tar~~ pretaisas. regard il concept da parker.

La suprastanza cumünela piglia cugnuschentscha dal concept surelavuro e decida da cuntiuner culla procedura ufficiela.

172 6.200 Vias e plazzas cumünelas
Preproget senda Pass Chaschauna

Illa tschantada da la suprastanza cumünela dals 10 october 2018 es gnieu decis, da surder a la firma ECO Alpin la lavur per fer ün preproget per la senda da velos a muntagna da Margun sül Pass Chaschauna. I'l principi dal december es entro il preproget manzuno tar la vschinauncha da S-chanf cun la documainta pretaisa da la suprastanza. Il böt es da pudair schoglier la via veglia pels viandants, chi chaschuna minch'an fich grands cuosts da mantegnimaing, e da pudair realiser üna nouva via per viandants scu eir per velociclists. Tenor sclarimaing da l'indschegner da la firma ECO Alpin SA, Corsin Taisch cun l'uffizi da construcziun bassa dal chantun Grischun as po fer quint, cha ca. 20% dals cuosts dal proget vegnan surpiglios dal chantun Grischun. Quist sustegn es eir da fich grand interess in connex cul masterplan da bike. Il proget vegn preschanto in üna da las prossimas radunanza cumünelas, per avair üna decisiun fundamentela sur quist proget e per pudair cuntiuner cullas lavuors necessarias.

La suprastanza cumünela decida unanimamaing da cuntiuner cul proceder da quist proget.

173 0.110 Legislativa
Procedura da consultaziun (ledscha davart il provedimaint d'ova e'l trattamaint da l'ova persa / ledscha davart il posses da chauns illa vschinauncha da S-chanf)

La cumischiun « revaisa tschantamaints, ledschas ed uordens » da la vschinauncha da S-chanf ho elavuro / surelavuro las duos ledschas manzunedas e delibero quellas per la procedura da consultaziun. Las votantas e'ls votants da S-chanf vegnan invidos, d'inoltrer propostas u objecziuns in scrit fin gövgia, ils 03 schner 2019 tar l'administraziun cumünela.

La suprastanza cumünela piglia cugnuschentscha da la ledscha davart il provedimaint d'ova e'l trattamaint da l'ova persa e la ledscha davart il posses da chauns illa vschinauncha da S-chanf e fo auncha diversas propostas da müdamaints a maun da la cumischiun.

174 3.400 Sport
Procedura da consultaziun dal concept da lö per implaunts da sport

Illa regiun Malögia do que üna quantited pü granda d'indriz e infrastrukturas i'l sector da sport e temp liber. D'üna vart as tratta que d'infrastrukturas da basa da la vschiaunchas, da l'otra vart d'indrizs da spüertas turisticas. Diversas da quistas infrastrukturas sun da significaziuns superiuras, seja que regiunel, chantunel u dafatta naziunel. Il plan directiv regiunel scu instrumaint concepziunel da planisaziun regiunel indichescha eir lös e areals per indrizs da sport e da temp liber e arrandschamaints d'importaunza intercumünels. Impü metta il plan directiv eir pais sün raits in connex cun activiteds da temp liber e sport. Il plan directiv regiunel es gnieu approuvo dal 2012 da la regenza. In quists lös previs i'l plan directiv sun da s-chaffir premissas, per pudair realiser tenor bsgön indrizs regiunels. Quist cuntegna da metter a disposiziun la surfatscha, la coordinaziun cun otras utilisaziuns ad ün lö previs e la coordinaziun adura cun la planisaziun da l'infrastructura da trafic. Per quista elavuraziun da planisaziun es respunsabel mincha vouta la vschinauncha al lö. In ün seguond pass dess gnir suottamissa la procedura da consultaziun a la populaziun, que sarro a partir da schner fin mited favrer 2019.

La suprastanza cumünela piglia cugnuschentscha in sen positiv da la procedura da consultaziun, regard il concept da lö per implaunts da sport illa regiun Malögia.

175 9.999 Varia

La suprastanza cumünela piglia cugnuschentscha :

Fögl d'infurmaziun dal uffizi da vschinaunchas dal chantun Grischun.

Portocol da la suprastanza da l'ARO.

Charta d'infurmaziun da l'ARO regard l'imsüraziun d'ova persa e da la gestiun da las pumpas per l'ova ascra a Chapella e Cinuos-chel.

Chalender politic da l'an 2019.

La suprastanza piglia cuniuschencha da las diversas variantas regard la fabrica da Promulins.

La fundauziun Bechtler infurmescha da piglier sü il proget d'art «Art Public Plaiv» illa garascha veglia da pumpiers « Somvih ». La fundaziun ho planiso darcho da fer ün'instalaziun d'art i'l vegl local da pumpiers a S-chanf. Illa garascha dess gnir installo ün

monitur cun ün film d'art dal duo Fischli/Weiss. Il temp per quist'installaziun ho üna düreda da duos fin trais ans.

Charta dal departamaint da finanzas e vschinaunchas dal chantun Grischun regard la revaisa da la ledscha per la flexibilisaziun dal preventiv (GrFlex).

Il depüto dal departamaint abiaint e planisaziun ho elavuro ün nouv concept da la rumida da naiv. Im prüma lingia dess quel fer gnir pü efficiaint la rumida da naiv e regler diversas robas organisatoricas. Il concept dess esser ün supplemaint per la carta da la rumida da naiv cun aint las axas principelas, chi vegnan lavuredas giò tenor prioritèd.

A las 21.30 vain la tschanteda alveda.

In buna fè

Il president:

L'actuar:

G. Largiadèr

G.L. Vitalini